



Ow pasé

Chœurs :

Gwo tanbou la, ola ou yé

Mwen tandé an son soné

Lésé tanbou soné, an nou alé

Lè son la pwan'w, pa ka lagè'w

Lé répondè ja ka réponn an awmoni

Tanbouyé kay ban mwen kadans a gwo ka la

Mwen désann bod lan mè la, pou fè an trampaj

Anba gwo pyé mapou la kè mwen pasé

An konprann sé zèb diné ki coupé si mwen

An konprann sé banglen ki piké mwen

An konprann sé pwèl a graté ka graté mwen

Pannan si tan, gwo tanbou la rantré an jwenti an mwen

Gwo tanbou la ou yé

tanbou anvi sonné

Lésé tanbou sonné

Tanbou anvi wouklé

Lésé tanbou sonné

Lèw vwè tanbou la anvi sonné

Lésé tanbou sonné

Sé nanm a péyi la

Lésé tanbou sonné

Tanbou fô paw tranblé

Lésé tanbou sonné

Tanbou rété solid o

Lésé tanbou sonné



Malgré tousa yo fèw
Lésé tanbou sonné
Ou la sé pouw wouklé
Lésé tanbou sonné
Tanbou fô vou rété solid o
Lésé tanbou sonné
Tanbou fô vou wouklé
Lésé tanbou sonné
Lésé tanbou alé
Lésé tanbou sonné
Gwo tanbou la o la ou yé
Senkè d'maten sonné, an ja doubout
I té twazè di maten, an pôto kouché
Ou savé byen dépi ou sonné, an ké réponn
Pa tini mwayen mwen tann son la, mwen pa tranblé
Lé répondè ja ka réponn an awmoni
Tanbouyé ka ban mwen kadans a tanbou la
Pannan si tan, gwo tanbou la rantré an jwenti an mwen
An konprann sé zèb diné ki pri si mwen
An konprann sé banglen ki piké mwen
An konprann sé pwèl a graté ka graté mwen
Gwo tanbou la ka piké mwen
Ow té yé dépi tan la yo ka chèchew an pa konpwann